

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 33. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), na prijedlog Ministarstva zdravstva, Vlada Zeničko-dobojskog kantona, na 16. sjednici, održanoj dana 09.02.2024. godine, d o n o s i

ODLUKU

o usvajanju Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ Budžeta Zeničko-dobojskog kantona za 2024. godinu – Izvor 10

Član 1.

(Predmet)

Usvaja se Program utroška sredstava u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100 – „Kapitalni transferi drugim nivoima vlasti - za zdravstvo“ Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), u ukupnom godišnjem iznosu od 5.120.000,00 KM (slovima: petmilijonastodvadesethiljada konvertibilnih maraka) koji čini sastavni dio ove odluke.

Član 2.

(Način realizacija sredstava)

Sredstva planirana ovim programom realizovat će se u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-11-2656/24

Datum, 09.02.2024. godine

Z e n i c a

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava Ministarstva zdravstva na poziciji „Kapitalni transferi drugim nivoima
vlasti - za zdravstvo“
Budžeta Zeničko-dobojskog kantona za 2024. godinu – Izvor 10

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2024. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100 – „Kapitalni transferi drugim nivoima vlasti - za zdravstvo“.

II. SVRHA PROGRAMA

Svrha ovog programa je finansiranje zakonske obaveze za zdravstvene ustanove kojima je osnivač Zeničko-dobojski kanton, te finansiranje investicionih projekata i nabavka neophodne opreme u zdravstvenim ustanovama kojima je osnivač grad/općina kao doprinos poboljšanju kvaliteta zdravstvene zaštite u cjelini.

Izdavanjem sredstava za namjene utvrđene Programom doprinosi se realizaciji programa iz Strategije razvoja Zeničko-dobojskog kantona za period 2021.-2027. godine pod nazivom „Unapređenje kvaliteta i načina pružanja usluga“, tj. doprinosi se:

- a) podizanju zdravstvene zaštite na viši nivo kroz nabavku neophodne medicinske i nemedicinske opreme,
- b) jačanje promotivno- preventivnih programa,
- c) obnavljanju zastarjele opreme,
- d) humanizaciji uslova za boravak pacijenata i povećanju zadovoljstva zdravstvenih radnika,
- e) poboljšanim uslovima rada i boravka u prostorima namjenjenih liječenju pacijenata kroz izgradnju i adaptaciju novih i postojećih građevinskih objekata,
- f) smanjenju odliva sredstava u druge kantone za pružene zdravstvene usluge u drugim zdravstvenim ustanovama.

III. VISINA SREDSTAVA

Sredstava utvrđenih ovim programom iznose na godišnjem nivou 5.120.000,00 KM (slovima: petmilijonastotinudvadesethiljadakonvertibilnihmaraka).

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100 - „Kapitalni transferi drugim nivoima vlasti - za zdravstvo“.

Ukupno planirana sredstva u koloni Budžeta, Izdaci iz budžeta- Izvor 10, na poziciji budžeta „Kapitalni transferi drugim nivoima vlasti - za zdravstvo“, realizovat će se dijelom iz budžetskih sredstava i dijelom iz sredstava primljenih tekućih transfera Vlade Federacije Bosne i Hercegovine (potpore iz Budžeta Federacije Bosne i Hercegovine), u skladu sa Odlukom koju će donijeti Vlada Zeničko-dobojskog kantona o visini i namjeni utroška sredstava.

V. KORISNIK SREDSTAVA

Korisnici Programa su javne zdravstvene ustanove sa područja Zeničko-dobojskog kantona. Potrošnja planiranih sredstava za kapitalne transfere za zdravstvo u 2024. godini odnosi se na

1. kapitalne transfere JU Kantonalna bolnica Zenica u iznosu 2.535.000,00 KM,
2. kapitalne transfere za finansiranje kapitalnih projekata u skladu sa:
3. Sporazumom o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici (Grad Zenica - JU Dom zdravlja Zenica), broj:11-11-7050-3/23 od 12.07.2023. godine u iznosu 2.000.000,00 KM i
4. Sporazumom o zajedničkom finansiranju Projekta izgradnje objekta ambulate porodične medicine u Željeznom Polju, Općina Žepče (JU Dom zdravlja sa stacionarom Žepče) broj: 11-11-5223-3/23 od 12.07.2023. godine u iznosu 200.000,00 KM,
5. nabavku digitalnog mamografa sa tomosintezom za potrebe JU Dom zdravlja Visoko u iznosu 250.000,00 KM za realizaciju Programa skrininga raka dojke u Zeničko-dobojskom kantonu i
6. nabavku sanitetskog vozila za potrebe JU Dom zdravlja Breza u iznosu 135.000,00 KM.

VI. KRITERIJ ZA RASPODJELU SREDSTAVA

Kriteriji raspodjele sredstava su:

1. Program utroška sredstava planiranih u Budžetu Zeničko-dobojskog kantona za 2024. godinu koji je JU Kantonalna bolnica Zenica dostavila Ministarstvu zdravstva svojim dopisom broj: 01-11-680/24 od 30.01.2024. godine za dio planiranih sredstava za ovu zdravstvenu ustanovu.

JU Kantonalna bolnica Zenica je u skladu sa svojim prioritnim potrebama planirala sljedeće nabavke:

Red. br.	Vrsta ulaganja	Iznos u KM
1	MEDICINSKA OPREMA	2.265.000,00
1.1	CT aparat	1.755.000,00
1.2	Litotriptor - ESWL	410.000,00
1.3	Endoskopska oprema	100.000,00
2	GRAĐEVINSKI RADOVI	270.000,00
2.1	Pedijatrija	235.000,00
2.2	Psijatrija	35.000,00
	UKUPNO (1+2)	2.535.000,00

2. Ranije preuzete obaveze o finansiranju investicija u skladu sa zaključenim sporazumima o zajedničkom finansiranju,

Dio planiranih sredstava u iznosu od 2.200.000,00 KM odnosi se na ranije preuzete obaveze o finansiranju investicija u skladu sa zaključenim sporazumima o zajedničkom finansiranju i to: za finansiranje Projekta izgradnje objekta Službe hitne medicinske pomoći sa pratećim sadržajima u Zenici i finansiranje Projekta izgradnje objekta ambulate porodične medicine u Željeznom Polju, Općina Žepče.

Članom 8. Sporazuma o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici obavezuju se Ministarstvo zdravstva i Ministarstvo finansija da u Budžetu Zeničko-dobojskog kantona za 2024. godinu u okviru budžetskog korisnika Ministarstvo zdravstva (budžetska organizacija 21010001), ekonomski kod 615100 - „Kapitalni transferi drugim nivoima vlasti - za zdravstvo“ planiraju sredstva u iznosu 2.000.000,00 KM za realizaciju Projekta.

Članom 10. Sporazuma o zajedničkom finansiranju Projekta izgradnje objekta ambulate porodične medicine u Željeznom Polju, Općina Žepče obavezuju se Ministarstvo zdravstva i Ministarstvo finansija da u Budžetu Zeničko-dobojskog kantona za 2024. godinu u okviru budžetskog korisnika

Ministarstvo zdravstva (budžetska organizacija 21010001), ekonomski kod 615100- „Kapitalni transferi drugim nivoima vlasti - za zdravstvo“ planiraju sredstva u iznosu 200.000,00 KM za realizaciju druge faze Projekta.

3. Razvoj Programa skrininga raka dojke u Zeničko-dobojskom kantonu

Za potrebe razvoja Programa skrininga raka dojke u Zeničko-dobojskom kantonu, čiji je cilj otkrivanje raka u početnom stadiju, smanjenje smrtnosti od raka dojke i poboljšanje kvaliteta života pacijentica s rakom dojke, neophodna je nabavka digitalnog mamografa sa tomosintezom za potrebe JU Dom zdravlja Visoko, za što su planirana sredstva u iznosu 250.000,00 KM, dok će nedostajuća sredstva biti finansirana iz sredstava donacije.

4. Raspoloživa sredstva u Budžetu Zeničko-dobojskog kantona i potrebe koje su iskazali domovi zdravlja, kao i dinamika ulaganja u domove zdravlja u ranijim godinama.

U skladu sa raspoloživim sredstvima u Budžetu Zeničko-dobojskog kantona i potrebama koje su iskazali domovi zdravlja, kao i dinamikom ulaganja u domove zdravlja u ranijim godinama, u 2024. godini je planirana nabavka sanitetskog vozila za potrebe JU Dom zdravlja Breza u iznosu od 135.000,00 KM.

Transferisanje sredstava korisnicima ovog Programa vršit će se u skladu sa pojedinačnim odlukama Vlade Zeničko-dobojskog kantona o odobravanju sredstava.

Za transferisanje sredstava korisniku ovog Programa zadužuju se Ministarstvo zdravstva i Ministarstvo finansija Zeničko-dobojskog kantona, svako u okviru svoje nadležnosti.

5. IZVJEŠTAVANJE KORISNIKA

Javne zdravstvene ustanove korisnici programa dužne su izvijestiti Ministarstvo zdravstva o namjenskom utrošku sredstava na način kako će biti određeno pojedinačnim odlukama o odobravanju sredstava.

6. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 46. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 21/23) o utrošku sredstava po ovom programu polugodišnje izvještavati Vladu Zeničko-dobojskog kantona.

PREMIJER

Broj: 02-11-2656/24

Datum, 09.02.2024. godine

Z e n i c a

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.